

## Ro jinen rej Katakin ro Nejier ilo Im̄weo

**Jen Eļtōr L. Tom Perry**

*Jen Doulul eo an Joñoul ruo Rijjilōk ro*

**Ij tōmak kin ejaake eo ekwojarjar bwe eddo eo an ro jinen ej kwaļok ilo kōkajiriri im katakin epepen eo tokālik.**

Raan ko ļok iaar ilok ippān Eļtōr Hallstrom ñan loļok ļalem jikin kweilok ko ilo Eria ko Ioļapļap in United States. Ilo kajjojo jikin kweilok kōm kar loļok, kōm̄ kōn kōm̄man kweilok ippān mijenede ro rej jermal aolep raan, ālkin kweilok ippān ritōl ro an stake im ward ikijien jermal in mijenede. Ikōtaan kweilok kein ruo kajjojo, Doulul eo an Kōrā ilo Stake eo ekōn kōpopo kōjota ko ñan kōm̄ ñan kōm̄man bwe kōmin kweilok ippān Stake Būreejtōn ro. Ke kōm̄ kar tōparļok Milwaukee, Wisconsin, ruo baamļe ko reddik raar kajjitōk ippān Doulul eo an Kōrā ñan kōtļok bwe ren kōpooj im ajije kōjota eo. Lōmaro pālele ruo raar jermal ilo jikin kōm̄man m̄ōñā eo. Mama ro ruo raar bōk eddo in tebōļ eo karōke im ajije m̄ōñā ko. Ajri ro jilu reddik raar lolorjake tebōļ eo im ajije m̄ōñā ko ium̄win tōl eo an ro jineer. Eaar juōn iien em̄man ñan ro jinen ñan juōn iien katakin ajri ro nejier. Eaar lukkuun einjuōn lale ļok ajri ro ñan uwaake aolep meļeļe ilo kar aer katakin jān ro jineer. Raar wājepedik ilo bōk aolep meļeļe ilo jermal ko aer.

Eñjake eo kar kōm̄man bwe in kejōkļokjen ilo kaminene eo iar bōk jān jinō. Āinwōt Rikanaan Nipai, im barāinwōt elōñ iaami, Iaar ļotak jān jema im jinō ro rem̄man (lale 1 Nipai 1:1).

Juōn iaan leddik ro nej nejū ej kab kwaļok ñan ñā emen bok ko jinō eaar kanni kakeememeji ñan an katakin kūlaaj eo an ilo Doulul eo an Kōrā. Ij antoneļok bok kein—im ebar lōñ ko ijjañin etaļi—Ej bōk jikin buki awa in kōppopo jen jinō.

Jinō eaar juōn rūkaki em̄man eo eaar niknik im tiljek ilo an kōpopo. Ewōr aō ememej rōjenļok kōn raan ko m̄okta jān katak ko an. Tebōļ in kōjota eo ekōn lipopo kōn bok in kein jipañ ko im jeje ko eaar kōpoji ñan katak eo an. Eaar lukkuun lōñ bok kar kōpoji me ijeļā wōt jidik in kar kōjerbale ilo iien kūlaaj, bōtaab ijeļā bwe ejjeļok iaan kōpopo ko an kar waan. Ekōjkan aō maroñ jeļā kōn menin? Ke iaar elōk aolepen alen in bok in jeje ko an eaar āinwōt eļañne iaar roñjake an jinō katakin eō bar juōn alen. Bar juōn alen, eaar ļap jān joñan ilo bok in jeje ko an kōn juōn wunin kōnono ñan kwaļok ilo juōn m̄weiñan in kūlaaj, bōtaab ta eo eaar jab kōjerbale ilo kūlaaj eo an eaar kōjerbale ñan katakin ajri ro nejin.

Ij tōmak em̄man̄lōk n̄an ba bwe ke jinō eaar lukkuun rikaki eo ewejepedik ibwilijin jejtōr ro ilo Douluul eo an Kōrā, iien katak eo an em̄mantata eaar waļōk ippān ajri ro nejin ilo m̄weo. Ilo m̄ool, menin eaar kōn joñan an ļap joñan iien eaar aikuj in katakin ajri ro nejin keidiļōk n̄an katakin jejetōr ro ilo Douluul eo an Kōrā, bōtaab ij barāinwōt ļōm̄nak eaar kōpopo tiljek, m̄okta, n̄an erom juōn waanjoñak n̄an ajri ro nejin kōn niknik jermal ilo Kabuñ in, im karuo, kōnke eaar kile ta eo eaar katak jān kōpoj katak ko an enaaj kar bar eliji n̄an juōn kōttōpar eutieļ ļōk—katakin ļaddik ro nejin im leddik ro nejin.

Jouj im kōtļōk bwe in kwaļōk ium̄win jidik iien im kwaļōk jet katak ko iaar katak jān jinō kōn katakin kojpeļ eo ilo m̄weo. Jinō eaar meļeļe aorōk eo an katakin ajri ro nejin kōn joñak ko, aorōk ko, im katak ilo aer iddik wōt. Jekdoon eaar kaṃoolol kōn ro jet me raar katakin ajri ro nejin ilikin m̄weo ilo jimor jikuul ak m̄ōn jar, eaar kile bwe ro jinen im jemen rej lōke er kōn jeļāļōkjeṃ eo an ajri ro nejier, im eļaptata, ro jinen im jemen rej aikuj lale bwe jari ro nejier rej katakin kōn ta eo Jemed Ilañ en kar kōṃnaan bwe ren katak. Ro jeiū im jatū im n̄a kar teej jān jinem ālkin kar katakin kōm ettoļōk jān m̄weo n̄an jeļā katak ko raar deļōñ lojilñim im lem ļōm̄nak ko am̄ rejim̄we.

Ikōn ļōm̄nak jet raan ko ke iaar ettōrļōk n̄an m̄weo im̄ōn jān jikuul bwe em̄oj aō katak n̄an raan eo, bōtaab ļōm̄nak in ebōd eaar m̄ōkaj an jako ke iaar lo jinō jutak ilo kōjām eo kōttar n̄a. Ke kōm kar iddik kōm kajjojo kar wōr an tebōļ ilo jikin kōm̄man̄ m̄ōnā eo ijo kōm kar wōnṃaanļōk wōt im katakin jān e ilo an kar kōm̄mani jermal ko im̄weo im kōpoj kōjota eo. Ilo piktokin eaar baj rūkaki wōt im eļap ļōk an kajjitōk ippam̄ jān rūkaki ro an ilo jikuul ak m̄ōn jar eo.

Joñan katakin ko an jinō ekoba jimor katak ko an mour in im jetōb. Eaar lale bwe en ejjeļōk juōn iaam ekar pād ilik ilo katak ko am̄ ilo jikuul, eo ekōn ikutkut an jipañ. E ej barāinwōt kōmālmel e katak ko an ilo Douluul eo an Kōrā ippām. Kōm, ilo m̄ool, kar bōk likieo in bwebwenato ko kar loi ilo bok in jeje ko an, ejjab tukadu in bwebwenato ko me rej aikuj in kar koṃ ilo juōn iien kūlaaj make.

M̄ōttan katak ko am̄ ilo m̄weo ebarāinwōt kakilōklōk eoon ko, Laajrak in Tōmak ko, im naan ko an rikanaan ro, rilolo ro, ri bōk madenļōk ko. Jinō eaar juōn eo eaar tōmak juōn ļōm̄nak enaaj kar erom̄ m̄ōjn̄o eļañne eaar jab kājemourur aolep iien. Eaar katakin kōm ilo am̄ kōn kwaļ kōnno ko, iiōke pōta eo, im jipañ ilo wāween ko jet. Ejjab tōmak ilo kōtļōk bwe ļōm̄nak ko rewaan ren deļōñe ļōm̄nak ko an ajri ro nejin, meñe rekar mad ilo jermal ko.

Ijjab kōjermal jinō āinwōt juōn waanjoñak n̄an ro jinen im jemen ilo laļ in rainin. Tōre ko elap aer oktak rainin, bōtaab meñe tōre ko remarōñ oktak, katak an juōn jinen ak jemen ejjab aikuj in kadikļōk aer aorōk. Elōñ makūtūt ko rej ekkejel n̄an aorōk ko an juōn epepen n̄an bar eo juōn,

bōtaab ilo m̄ool eo ioḷapḷap tata in makūtkūt kein ej ro jinen im jemen rej katakin ajri ro nejier ilo m̄weo. Menin eḷaptata an m̄ool ñe jej ḷōmḷnak kōn katakin kōn aorōk ko, joḷnak ko an ānbwin im m̄wil, im tōmak.

Katakin ilo m̄weo ej eḷapḷok an aorōk ilo laḷ in rainin, ijo kareel an rikapo eo eḷap an ajeded, im ej likorkor, kajioḷ in kañ im kakkure pedped in jukjuk in pād eo ad, baamḷe eo. Ro jinen im jemen rej aikuj kijñeñe bwe katakin ilo m̄weo ej eddo eo eḷap an ekwojarjar im aorōk. Ilo an jikin katakin ko jet āinwōt m̄ōn jar im jikuuḷ maroḷ jipaḷ ro jinen im jemen ñan “Kwōn katakin juon ajri ilo iaḷ eo en etal ie” (Jabōn Kōnnaan 22:6), āliktata eddo in ej pād ioon ro jinen im jemen. Ekkar ñan karōk in m̄ōḷḷḷeo eo eḷap, ej ro jinen im jemen me rej lōke kōn kea im eddōkḷok an ajri ro nejim Jemedwōj Ilañ. Baamḷe ko ad rej m̄ōttan eo aorōk ilo jermal im aiboojoj eo An—ñan bōktok mour jab wapanpan im mour indeeo an armej (Moses 1:39). Ilo karōk eo an Anij, ekijoḷ kōmḷman bwe ro jinen im jemen kōmḷmane jermal eo ioḷapḷap ilo mour ko an ajri ro nejier. Jeramḷman, ewōr bar jet armej ro rej bok kuḷaer ilo mour ko aer. Wōn emaroḷ jipaḷ ñe ro jinen im jemen rejjab maroḷ. Ej, mekartā, ej ro jinen im jemen me emōj kar kakien jān Irooj ñan karittoḷok ajri ro nejimi ilo meram im m̄ool (lale D&C 93:40).

Ro jinen im jemen rej aikuj bōktok meram im m̄ool ñan iloaan imōko imḷwer kōn, juōn jar an baamḷe, juōn m̄weīñan ekkatak jeje ko rekwojarjar, juōn nukun in jota an baamḷe, juōn riit bok ilo koḷap, juōn al, im juōn iien m̄ōñā an baamḷe. Rejeḷā kareel eo an jimḷwe, mejān iruj, kijejeto, kōkkajiri aolep raan ej iibwilijin kajoor eo eḷap im ej rejtake kajoor ko ñan emḷman ilo laḷ in. Ājmour an jabdewōt jukjuk in pād, m̄ōḷḷḷeo eo an armej ro an, ro ineer, im aenōmḷman eo aer ej lo okar ko reier wōt juōn ilo katakin ajri ro nejier ilo m̄weo.

Eltōr Joseph Fielding Smith ear katakin: “ Ej likkuun eddo eo an ro jinen im jemen ñan katakin ro nejier ñan kejbarok pedped in katak ko ilo koḷpeḷ eo an Jisōs Kraist, im bwe ren jelā etke rej aikuij in baptaij im kamōñōñōik buruweir kin juōn itok limo ñan wōnmanlok ilo kejbarok kien ko an Anij elikin aer kar baptaij, bwe ren maroḷ in bar rool ñan aiboojoj eo An. Kwōj ke, ro jeiū im jatū, kōnan baamḷe eo am, ro nejim; kwōj kōnan ke bwe liape ippān jemōm ak jinōm mokta jen kwe...? Ekwe, innem kwōj aikuij jinōe katakin ilo m̄weo. Kwōj aikuij in katakin kin wanjoḷnak im bareinwōt kakien.” (Ilo General Conference Report, Oktoba.1948, 153).

Waanjoḷnak eo an jinō āinwōt juōn rūkaki ilo m̄weo ej kūr tok bar jet ḷōmḷnak, eḷaptata kōn katakin. Ritōl ro an Kabuñ in rej joḷok eḷap iien kōn ḷōmḷnak kōn ewi wāween kōkḷmanḷanḷok katakin ilo Kabuñ in. Etke jej joḷok iien in im kijejeto in? Ej kōnke jej tōmak ilo ḷap in kajoor an katakin ñan kōḷapḷok tōmak eo an kajjojo im kōkajoorḷok baamḷe ko. Ej tōmak eo aō in bwe juōn iaan men ko rōwājepedik tata jemaroḷ kōmḷman ñan kōkōmḷman ḷok katakin ilo Kabuñ in ej ñan kōkōmḷman ḷok katakin ilo m̄ōko imōd. Katakin ko ad ilo m̄weo ej kōpooj kōj ñan

kōwājepedik ļok ad katakin ilo Kabuñ in, im katak ko ad ilo Kabuñ in ej jipañ kōj kōwājepedikļok kōj ilo katakin ilo m̄weo. Ilo aolepen Kabuñ in ewōr tebōļ in m̄ōñā ko kar kalbubuik kōn eļōñ bok in jipañ ko im bok in jeje ko robrak kōn ļōm̄ņak ko ñan katak ko ñan katakin. Ejjeļok men rōt in āinwōt etōr jān joñan kōpopo ñan katakin gosepel eo an Jisōs Kraist; kōnke rej waļoktok an kojpeļ eo, aet ak jaab rej aikuļ kōjerbali ilo iien kūlaaj, remaroñ aolep iien katakin ilo m̄weo.

Enaan eo ekirujruj, “Baam̄le Eo: Juōn Naan in Keañ Ñan Laļ In,” ej kwaļok:

Leo im Lio pālele ewōr aer eddo ñan iakwe im kōjparok doon im ajri ro nejier, “Ajri ro rej jolet jān Iroj” (Sam ko 127:3). Ro jinier im jemier ewōr juōn aer eddo ekwojarjar ñan kōkkaajririik ajri ro ilo iokwe im jimwe, ñan kabwe aikuļ ko aer ilo jetōb im kanniōk, im ñan katakin er ñan iakwe im jermal ñan doon, kōjparok kien ko an Anij, im armej ro rej mour kōn kien ko ijoko rej mour ie. Lōmaro im limaro pālele ro jinen im jemed naaj ñaruwier imaan Anij ilo aer jab kōmm̄ane eddo kein aer. ...

“... Jen karōk eo ilañ, ro jemen rej oñake im kejbarok baam̄le ko aer ilo iakwe im jimwe im eddo ñan kabwe aikuļ ko an mour im kejbarok ko an baam̄le eo. Ro jinen rej aer eddo ilo kōkajiririik ajri ro nejier. Ilo eddo in ekwojarjar, jemen im jinen rej aer eddo ñan jipañ doon āinwōt lukkuun jemjerā ro āinwōt ro rej juon wōt (Liahona, Oktoba. 2004, 49).

Ekkar ñan “Baam̄le Eo: Juōn Naan in Keañ Ñan Laļ In,” pedped ko iaar kar katakin eō kōn katakin ilo m̄weo ej jermal ñan jimor ro jinen im jemen, bōtaab eļapļok aer aorōk ñan jermal eo an juōn jinen. Ro jemen emakijkij aer joļok juōn raan ettoļok jān m̄we ilo jikin aer jermal. Eñin ej juōn iaan wun ko rellōñ eļapwōt an eddo eo ñan katakin juōn ajri ilo m̄weo ej leļok ñan ro jinen. Āinwōt an jōkjōk ko oktak im po lōm̄an ejjab aolep iien epidodo, ij tōmak ej kōn karōk eo ekwojarjar me jermal eo an jinen ej elij kōkkaajririk im katakin an epepen eo tok juōn. Jej lo elōñ apañ ko rainin jān kareel ko rekapopo im rōkakkure rej kōttōpar ñan tōl piloik ajri ro nejin Anij. Jej lo elōñ jodikdik ro me ejako okar in jetōb ko rem̄wilaļ ñan likatōtōk ilo tōmak ilo an lañ ko an jab tōmak im ebbeer jepool er. Elōñ wōt iaan ajri ro nejin Jemedwōj Ilañ em̄ōj an kōñaan ko an laļ in anjo ioer. Likorkor eo an nana ñae ajri ro nejiid ej bar juōn alen eļapļok im kajoorļok jān etto. Katakin kojpeļ eo an Jisōs Kraist ilo m̄weo ej bar kobaik tok juōn alen in kein kalibubu ñan oñake ajri ro nejiid jān kareel ko an laļ in.

Anij en kōjeram̄man kom̄ ro jinen im ro jemen rem̄man ilo Zaion. E eaar lewaj ñan kōjparok eo ami ajri ro Nejin ideoo. Āinwōt ro jinen im jemen jej leiaia, meñe ekkeijel ippān Anij, ilo bōktok jermal im aiboojoj eo An ibwilijin ajri ro Nejin. Ej ad eddo ekwojarjar ñan kōm̄mane ijo em̄man tata. Kōn menin ij kam̄ool, ilo etan Jisōs Kraist, amen.